

巴東縣志卷之

名宦志

宋

寇準字平仲華州人年十六以及陷番上書行在辭色激昂太宗壯之命有司記姓名後二年第進士擢巴東縣令實太平興國中也方抵任舟經叱灘險幾覆溺忽神自水中挽舟而行公詰之答曰我黃魔神也公異日當大用故來擁護但裸體不敢出見公取錦袱投之卽以袱蔽體出拜而去旣蒞

巴東縣志

卷之十二

名宦

政每期會賦役不出符牒惟具鄉里姓名揭縣門民莫敢後者用是期年之間政化大行嘗手植雙栢於庭人比甘棠賦詩有野水無人渡孤舟盡日橫之句識者知其有濟川之才雍熙三年公通判鄆州得召見帝曰試與朕決一事東宮所爲不法欲廢之則宮中有甲兵恐因而招亂公曰此易耳請某月日令東宮於某處攝行禮左右侍從皆從陛下搜其宮中果有不法事廢太子一黃門力也太宗從其策及東宮出果得剜眼挑筋摘舌等器

遂廢之擢判吏部東銓嘗奏事殿中語不合帝怒起公輒引帝衣令帝復坐事決乃退帝由是嘉之曰朕得寇準猶文皇之得魏徵也淳化二年春大旱太宗延近臣問時政得失公對曰洪範天人之際應若影響大旱之證蓋刑有所不平也太宗怒起入禁中頃之獨召公問狀公曰願召二府至臣卽言之二府入公乃言曰頃者祖吉王淮皆侮法受財吉贓少乃伏誅淮以參政沔之窮盜主守財至千萬止杖之仍復其官非不平而何太宗乃責

沔拜公樞密副使改同知院事後與知院張遜數爭事帝怒謫遜公亦罷知青州旣行帝念之明年召拜參知政事時太宗在位久馮拯等上疏乞立儲貳帝怒斥之嶺南中外無敢言者公初至青州召還入見帝足劓甚自褰衣以示公且曰卿來何緩朕諸子孰可以付神器者公曰陛下爲天下擇君謀及婦人中宮不可也謀及近臣不可也惟陛下擇所以副天下望者帝俛首久之屏左右口囊王可乎公曰知子莫若父願卽決定於是立爲太

子廟見還京師之人擁道喜躍曰少年天子也帝聞之不懌召公謂曰人心遽屬太子欲置我何地公再拜賀曰此社稷之福也帝悟入語后嬪宮中皆前慶帝喜復出延公飲極醉而罷會馮拯奏公擅權康戩亦言宰相呂端等皆準所引端德之不敢與抗太宗怒召責端等端曰準性剛自任臣等不欲數爭慮傷國體及公入對帝語及馮拯事公猶力爭不已又持中書簿論曲直於帝前帝益不悅因嘆曰鼠雀尙知人意况人乎咸平六年遷三

司使真宗久欲相公患其剛直景德元年以畢士安參知政事踰月益命同平章事是時契丹內寇縱游騎掠深祁問小不利輒引去公曰是狃我也請練師命將簡驍銳據要害以備之是冬契丹果大入急書一夕凡五至公不發飲笑自如明日同列以聞帝大駭以問公公曰陛下欲了此不過五日爾因請帝幸澶州同列懼欲退公止之令候駕起帝難之亦欲還內公曰陛下入則臣不得見大事去矣請毋遂而行乃議親征召羣臣問方畧既

而聞契丹圍瀛州直犯貝魏中外震駭參知政事
王欽若請幸金陵陳堯叟請幸成都帝以問公公
心知二人謀乃曰誰爲陛下畫此策者可誅也今
陛下神武將臣協和若大駕親征賊當自遁不然
出奇以撓其謀堅守以老其師勞佚之勢我得勝
篡矣柰何棄廟社欲幸楚蜀遠地遂請帝幸澶州
及至南城契丹兵方盛衆請駐蹕以覘軍勢公固
請曰陛下不過河則人心危敵氣不懾非所以取
威決勝也且王超領勁兵屯中山以扼其吭李繼

隆石保吉分大陣以扼其左右肘四方征鎮赴援
者日至陛下何疑而不進乎衆議皆懼公力爭之
不決出遇高瓊謂曰太尉受國恩今日有以報國
否對曰瓊武人願効死公復入厲聲曰陛下不以
臣言爲然盍試問瓊等瓊奏曰寇準言是公曰機
不可失宜趣駕瓊卽麾衛士進輦帝遂渡河御北
城門樓遠近望見御蓋踴躍懽呼聲聞數十里契
丹相視驚愕帝盡以軍事委公公承制專決號令
明肅士卒畏悅敵數千騎薄城下詔士卒迎擊斬

獲大半乃引去土還行宮留公居城上徐使人視
公公方與楊億飲博歌謔懽呼相持十餘日曾契
丹統軍撻覽爲威虎將軍張環牀子弩所中死乃
請盟公不從欲邀使稱臣弁獻幽州地時有譖公
欲幸兵以自取重者公乃不敢言真宗遣曹利用
往議歲幣曰百萬以下皆可許也公召至幄語曰
雖有敕汝所許過三十萬吾斬汝矣利用至果以
三十萬成約而還河北罷兵宋免遷國公之力也
初真宗語公曰賊騎未退天雄軍截在賊後萬一

巴東縣志

卷之十二

名宦

五

陷沒則河州皆賊境奈何公曰古人有言智將不
如福將臣觀參政王欽若福祿未艾宜可守公卽
時進促出勅召欽若諭以上意授敕俾行欽若茫
然自失公曰主上親征非臣子辭難之日參政爲
國柄臣當體此意驛騎已集仍放朝辭便宜就途
遽酌大白飲之命之曰上馬杯欽若飲訖拜別公
答拜曰參政勉之回日卽爲同列也故公自澶淵
還欽若深嫉之會朝公先退帝目送公欽若因進
曰陛下敬寇準謂其有社稷功和帝曰然欽若曰

澶淵之後陛下不以爲耻而謂準有社稷功何也夫城下之盟春秋耻之澶淵之舉是城下之盟也何耻如之欽若又曰陛下聞博乎博者輸錢欲盡乃罄所有出之謂之孤注陛下寇準之孤注也斯亦危矣由是帝顧公寢衰出公知天雄軍北使過謂公曰相公望重何以不在中書公曰主上以朝廷無事北門鎖鑰非準不可耳京兆都監朱能獻天書託神言國家休咎欲倚公重望以實其事公從上之天禧元年復召公入同平章事公請問言

曰太子人望所屬願陛下傳以神器丁謂佞人也不可以輔少主上然之公乃屬楊億草表請太子監國億夜屏左右至自起剪燭跋中外無知者既而公被酒漏泄謂懼力譖公罷公爲太子太傅以丁謂平章事曹利用加同平章事上雖擢二人而待公猶如故謂等懼乃共謀發朱能所獻天書妖妄事捕能誅之貶公太常卿知相州朝士與公親厚者皆斥楊億尤善公公敗丁謂召億億懼面無人色謂素重億徐曰謂當改官煩公爲一好詞億

乃安謂不欲公居內郡復徙公道州司馬自公罷相繼以三紉皆非上意歲餘上忽問左右曰吾目中久不見寇準何也左右莫敢對乾興元年再貶雷州司戶參軍丁謂惡公必欲置之死遣中使齎勅就賜以錦囊貯劍揭馬前至道州公方與客宴衆惶恐不知所爲公神色自若使人謂之曰朝廷若賜準死願見敕書中使不得已乃授以敕公卽從錄事參軍借綠衫著之短纜至膝拜敕於廷升階復宴至暮乃罷及赴貶所吏獻圖經首載州東

南門至海岸十里公恍然曰吾少時嘗爲詩曰到海只十里過山應萬重人生得喪豈偶然邪丁謂出公門下事公甚謹嘗會食中書羹汚公鬚謂起徐拂之公笑曰參政乃國之大臣乃爲官長拂鬚邪謂大慚處士魏野嘗贈公詩曰有官居鼎鼎無宅起樓臺及是北使至賜宴兩府北使歷視坐中問譯者曰誰是無宅起樓臺相公丁謂令譯者曰朝廷初卽位南方須大臣鎮撫寇公暫撫南夏非人卽還未幾謂亦南竄道出雷州公以蒸羊迎詣

境聞家僮欲報仇乃杜門使縱博伺謂行遠乃出
初太宗得通天犀命工爲二帶一以賜公及是公
遣人取自洛旣至數日沐浴具朝服束帶北面再
拜呼左右趣設卧具就榻而卒公在中書日會除
官吏進例簿公曰宰相所以器百官若用例非所
謂進賢退不肖也張詠守蜀閩公大拜喜曰真宰
相也又曰人千言而不盡者準一言而盡然仕太
早用太速不及學耳詠公布衣交也公兄事之及
公出陝詠還朝公大爲供具請詠曰何以教準詠

巴東縣志

卷之十二

名宦

八

徐曰霍光傳不可不讀也公歸取傳讀之至不學
無術笑曰此張公謂我矣公喜劇飲每宴賓客闔
扉脫驂在鄧州爲花蠟燭名著天下雖寢室亦然
燭達旦厠溷間燭淚成堆少年時愛飛鷹走狗母
不勝怒舉秤鎚投之足流血及貴母已亡每捫其
痕輒哭公廉介剛方不矜細故每臨事必以大義
決之中興賢相公爲稱首罹丁謂之謗卒於南荒
可哀也已歸葬西京道出荆南公安縣人皆祭哭
於路折竹植地掛紙錢踰月視之枯竹盡生筍因

爲立廟歲時享祭公無子葬後贈萊國公謚忠愍
今祀名宦

王登德安人權知巴東縣獻俘制置使登念奮自書
生不拜吏曰不拜則不敢上難之竟棄功去淳祐
四年舉進士調興山主簿檄修江陵城條畫有法

明

張思傳明成化中知巴東縣鄉貫事蹟失攷祀名宦
許周字希旦曲江人明嘉靖中知巴東縣時新開巫
山陸路官使憚川江之險多由陸行而計日工食

巴東縣志

卷之十二

名宦

九

仍納一邑

巴山萬流俱水驛

實爲重役周建議以萬流併

大巴山作水馬驛申請改置當事不果用

後鄒光裕申准

改置悉如周議

無何賊首譚將軍等作亂劫掠甚慘周設

法剿捕復請於邑南立召化堡撥軍防守民賴以
安尤加意文教多所建置後致政歸

盛杲字啟東臨安人明正德中知巴東縣有愛在民
後人思其德建祠祀之

祠

與葉禎鄒光裕並祀爲三公祠後增張尙儒爲四公

葉禎麗水人明嘉靖中知巴東縣愛民教士與盛杲

鄒光裕齊名邑人德之建祠祀焉

鄒光裕鄱陽人明隆慶中知巴東縣先是嘉靖間新開陸路由巴通巫二百里而遙當王忠秦碧之變人馬苦死無算至是光裕力請川湖諸上司始題革萬流驛於兩縣適中之地設巴中驛即小橋驛隸巫山縣民困乃甦邑人至今思之祀名宦

高尚德靈璧人明萬歷中知巴東縣先是邑令以彤家言遷學於壽寧寺基卒不利萬歷十五年尚德改復故地加意文教士民稱之

巴東縣志

卷之十二

名宦

十

羅萬理雲南人明萬歷中知巴東縣初江陵松滋監利三縣協濟巴山驛損夫銀三百兩有奇而本縣所編遼祿標兵等銀例當解府至是萬理以三縣協銀申抵遼祿標兵編銀即給本驛損夫勞費俱省邑人稱便

李維棟字國隆靈川人也萬歷中以孝廉知巴東縣爲政嚴明甫下車治猾吏數人左右皆股栗無敢肆者尤能洞察民隱無微不周任五年遷重慶別駕去之日邑人遮道留之至車不能前其得民心

如此

張尚儒字廣漢和州人文思瞻敏爲當代知名士萬
歷間知巴東縣留心民隱常申覆茶稅以省民力
又是時施州衛新開險站夫馬告因又建議改枝
江撥運歸州麥折並撤協濟枝江所官軍屯糧派
增夫馬及加設站船水夫各有差於是水陸交利
驛困頓甦其他興建甚多尤以文治爲先務尋遷
歸州牧今州縣俱祀名宦

李光前劍閣人明萬歷中知巴東縣多惠政壬子夏

巴東縣志

卷之十二

名宦

十一

大水衝沒民居冬復火光前先後發倉穀一千石
賑之先是連天關巡檢司與紅沙堡相依成犄角
之勢後關漸內徙堡軍孤懸土蠻益猖獗無所忌
光前乃捐金治材重建連天關於後二都故地起
哨樓監界表屹然爲漢彝阨塞邊患以安

補遺

徐博嘉定人成化中以御史謫知巴東縣剛明廉介
尤尙文教卓有聲譽

見通志

國朝

蔣希古江南人康熙初從靖西將軍幕以功 題授
巴東知縣是時巴東諸寇劉體純等初伏誅全境
成墟希古親詣彝陵枝江宜都各州縣撫諭流民
以次復業編保甲墾田畝建學校置社稷草創之
初百政畢舉無何以憂去士民懷之

齊祖望直隸雞澤人康熙十八年以進士知巴東縣
風裁嚴峻以禮約民時邑經兵火後人文零落望
興學造士訓迪諄詳士習以振嘗修輯邑乘義例
緊嚴洵爲善本識者稱之

巴東縣志

卷之十一

名宦

三

黃應文天津人嘉慶元年以德安府經歷知巴東縣
有膽略時教匪起長陽偏近巴東應文自郡偕遊
擊邱作訓等赴勦邑千總宋萬春率兵會之戰於
長陽之查角石賊大至衆寡不敵同時陣亡子亦
與難

戴聖哲雲南祿勸舉人嘉慶初署巴東縣時教匪倡
亂不時滋擾聖哲督率義勇晝夜防堵兼籌運軍
火糧餉其署歸州知州政績略同積勞嘔血申途

病發卒

見府志

饒拱辰字滌夫江西新城縣進士道光十六年知巴
東縣慈惠愛民以作育人材爲已任先是邑士多
鄉居隔山間嶺離索如晨星之相望無會學所拱
辰創建信陵書院置膏火地延主講俾肄業焉每
月課誘勸甚殷士皆自奮邑故通施南山高路險
行道苦之拱辰議修站道邑民捐貲財運土石趨
事罔後工竣計程七十里往來稱便歷任至安陸

府知府